

**CONVENIO DE COLABORACIÓN ENTRE A AXENCIA GALEGA DE
INFRAESTRUTURAS E A FUNDACIÓN EDUARDO PONDAL PARA IMPARTIR
XORNADAS DE SEGURIDADE VIAL NA ESCOLA DE VERÁN DA CONTORNA DOS
CONCELLOS DE CABANAS DE BERGANTIÑOS, PONTECESO, LAXE E MALPICA
DE BERGANTIÑOS**

Santiago de Compostela, 01 de xullo de 2019

REUNIDOS



Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, José M^a Varela Martínez, xerente do padroado da Fundación Eduardo Pondal, con CIF G70262951, que asumiu as funcións de representación da entidade, na sesión ordinaria do seu padroado do 14 de xaneiro de 2017.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto



EXPOÑEN

Primeiro. A Fundación Eduardo Pondal ven organizando dende a súa creación escolas de verán para nenos de tres e quince anos. Esta iniciativa rexistra anualmente gran éxito de participación abarcando o ámbito xeográfico de catro concellos: Cabana de Bergantiños, Ponteceso, Laxe e Malpica de Bergantiños. O verán de 2018 participaron máis de cen nenos que foron atendidos por dezaseis monitores.

Na proposta para o verán do ano 2019 o fío condutor dos distintos talleres e actividades de entretemento e aprendizaxe será a seguridade viaria.



Segundo. O Plan de Seguridade Viaria 2016-2020 recolle como un dos seus piares básicos o de acadar usuarios de vías máis seguros a través de programas integrais para mellorar o comportamento destes. A educación e a sensibilización dende idades moi temperas na seguridade viaria, a adquisición da conciencia sobre a necesidade de respectar a normativa en materia de tráfico e de evitar os factores de risco, é un dos campos nos que cómpre incidir para acadar maiores cotas de seguridade viaria.

Terceiro. A Axencia Galega de Infraestruturas, en colaboración coa Fundación Eduardo Pondal pretende incidir, a través da escola de verán, na adquisición de hábitos e actuacións positivas nas estradas dos xoves e na concienciación dos perigos aos que están expostos, considerándoo como un investimento nuns usuarios máis seguros, xa sexa como peóns ou como condutores.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e a Fundación Eduardo Pondal para realizar varias actividades no ámbito da seguridade viaria con menores na escola de verán que se levará a cabo na sede da fundación, casa reitoral de San Tirso de Cospindo, no Concello de Ponteceso, durante os días 22 de xullo a 23 de agosto de 2019, ambos incluídos.

O obxecto da actuación comprende :

Realización de talleres específicos.

- Experiencias diversas relacionadas coa seguridade viaria.

- Celebración de xornadas de educación viaria nas que se realizarán saídas pola contorna local da Fundación para que os nenos coñezan diversos aspectos da súa importancia social.

- Elaboración de xogos baseados na educación viaria.
- Realización de simulacros.
- Elaboración dunha guía responsable de boas prácticas e consellos.
- Saídas nocturnas para familias con material reflíctante.

No anexo que se acompaña detállanse o conxunto de actividades a realizar nas xornadas de seguridade viaria.

O orzamento necesario para a execución destas obras estímase en **CATORCE MIL NOVECIENTOS NOVENTA E CINCO EUROS (14.995,00 €)** sen IVE por estar exenta de conformidade co artigo 20.1.12º da Lei 37/1992, do 18 de decembro, do imposto sobre o valor engadido e o acordo da Axencia Tributaria do 19 de xullo de 2011.

SEGUNDA. COMPROMISOS DA FUNDACIÓN EDUARDO PONDAL

A Fundación Eduardo Pondal obrígase a realizar as actividades programadas descritas na cláusula primeira, todas elas enfocadas no ámbito da seguridade viaria, na escola de verán 2019.

Os contidos concretos así como o desenvolvemento de todas as actividades na escola de verán, recolleranse nun documento final, onde se especifiquen por días os traballos realizados xunto cos comentarios que se estimen oportunos sobre os resultados obtidos.

Unha vez realizadas as prestacións con conformidade e logo de entregada a antedita memoria resumen das actividades dará lugar a un só pagamento, para o que a Fundación deberá expedir a documentación acreditativa pertinente onde se consigne o importe que deba satisfacer a Axencia.



TERCEIRA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume o compromiso de financiar as diferentes actividades programadas no ámbito da escola de verán centrada na temática da seguridade viaria ata un máximo de **CATROCE MIL NOVECENTOS NOVENTA E CINCO EUROS (14.995,00 €)** con cargo a partida orzamentaria 08.A1.512B.640.1, código de proxecto 2013 00003 dos orzamentos da Axencia Galega de Infraestruturas do ano 2019.

Unha vez realizados os traballos de conformidade e entregada a documentación final a cantidade sinalada aboarase á Fundación nun único pago.



CUARTA. SEGUIMIENTO E CONTROL

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, coa participación dun representante da Axencia Galega de Infraestruturas e dun representante da Fundación Eduardo Pondal.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula terceira.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.



QUINTA. NATUREZA DO CONVENIO

Este convenio ten natureza administrativa e regularase polo establecido no presente convenio e, supletoriamente, polos principios da Lei 9/2017, do 8 de novembro, de contratos do sector público, e da Lei 40/2015 do 1 de outubro de Réxime xurídico do sector público.

O desenvolvemento dos compromisos, obrigas e demais actuacións contidas no presente convenio rexeranse polo establecido nas cláusulas do mesmo.



SEXTA. MODIFICACIÓNS DO CONVENIO

As modificacións formalizaranse mediante *addenda* cos mesmos requisitos e condicións que para a aprobación do convenio e requirirá acordo unánime entre a Fundación Eduardo Pondal e a Axencia Galega de Infraestruturas.

SÉTIMA. RESOLUCIÓN

As dúbidas que se presenten na súa interpretación, en caso de discrepancias serán resoltas, visto o informe da comisión de seguimento, pola presidenta da Axencia Galega de Infraestruturas, poñendo así fin á vía administrativa.

Serán causas de extinción deste convenio:

- 
- O non cumprimento do seu obxecto,
 - A inviabilidade da realización das actuacións descritas neste convenio, por causas non imputables ás partes.
 - O incumprimento de carácter total ou parcial de calquera das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
 - Denuncia por causas de interese público, a instancia de calquera das partes.

Cada unha das situacións descritas por si soa é causa suficiente de rescisión do convenio.

OITAVA. PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e maillo resto de

especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

NOVENA. VIXENCIA DO CONVENIO

Este convenio terá vixencia dende a súa sinatura ata o 31 de decembro de 2019 e financiará os gastos realizados dende o 1 de xaneiro de 2019.

Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega de
Infraestruturas



Ethel M^a Vázquez Mourelle

Xerente do padroado da da Fundación
Eduardo Pondal

José M^a Varela Martínez